

აჭარის ავტონომიური რესპუბლიკის
უმაღლესი საარჩევნო კომისიის სხდომის

ო კ მ ი № 35

05 დეკემბერი 2008 წელი

ქ. ბათუმი

სხდომას უძღვებოდა უმაღლესი საარჩევნო კომისიის თავმჯდომარე არჩილ მიქელაძე.

სხდომას ესწრებოდნენ კომისიის წევრები: ქეთევან ჯიქია, თამაზ შარმანაშვილი, თამარ ხოზრევანიძე, გია გარსევანიშვილი, ასლან ჩავლეიშვილი, თენგიზ ცინცქილაძე, მამუკა ჯაში, დავით რობაქიძე, ავთანდილ ჩახვაძე, ირაკლი გვარამია და ანზორ ბალათურია.

სხდომას არ ესწრებოდა: კომისიის წევრი ლევან გაბრიჩიძე.

მოისმინეს: სხდომის თავმჯდომარემ სხდომა გახსნილად გამოაცხადა და კომისიის წევრებს გააცნო დღის წესრიგის პროექტი.

აზრი გამოთქვეს: კომისიის წევრებს დღის წესრიგის პროექტთან დაკავშირებით შენიშვნები არ გამოუთქვამთ.

სხდომის თავმჯდომარემ კენჭისყრაზე დააყენა წინადადება წარმოდგენილი დღის წესრიგის პროექტის დამტკიცების შესახებ.

კენჭისყრის შედეგი: მომხრე 12;
წინააღმდეგი 0;
(კენჭისყრას ესწრებოდა კომისიის 12 წევრი).

დღის წესრიგი დამტკიცდა შემდეგი სახით:

დ ღ ი ს წ ე ს რ ი გ ი

1. განკარგულება

ზოგიერთი საარჩევნო დოკუმენტაციის ფორმის დამტკიცების შესახებ;

(მომხ. ა. მიქელაძე)

2. განკარგულება

ზოგიერთი საარჩევნო დოკუმენტაციის ფორმის დამტკიცების შესახებ;

(მომხ. ა. მიქელაძე)

1. განკარგულება

ზოგიერთი საარჩევნო დოკუმენტაციის ფორმის დამტკიცების შესახებ.

მოისმინეს:

სხდომის თავმჯდომარემ კომისიის წევრებს წარუდგინა ზოგიერთი საარჩევნო დოკუმენტაციის ფორმის დამტკიცების შესახებ განკარგულების პროექტი. მან აღნიშნა, რომ „აჭარის ავტონომიური რესპუბლიკის უმაღლესი საბჭოს არჩევნების შესახებ“ აჭარის ავტონომიური რესპუბლიკის კანონის შესაბამისად, უმაღლესი საარჩევნო კომისია განკარგულებით ამტკიცებს არჩევნების ორგანიზებისათვის საჭირო საარჩევნო საბუთების სახეს და კომისიას წარუდგინა 2008 წლის 14 დეკემბრის ხელახალი მაჟორიტარული არჩევნებისათვის საარჩევნო დოკუმენტაციის ფორმები - კერძოდ, საოლქო საარჩევნო კომისიის კენჭისყრის შედეგების შემაჯამებელი (მაჟორიტარული) სადემონსტრაციო ოქმის, საოლქო საარჩევნო კომისიის კენჭისყრის შედეგების შემაჯამებელი (მაჟორატარული) ოქმი, საუბნო საარჩევნო კომისიის კენჭისყრის შედეგების შემაჯამებელი (მაჟორიტარული) სადემონსტრაციო ოქმი და საუბნო საარჩევნო კომისიის კენჭისყრის შედეგების შემაჯამებელი (მაჟორიტარული) ოქმი. ასევე განიხილა ყველა ის საკითხი, რაც წარმოდგენილი იყო განკარგულების პროექტში.

აზრი გამოთქვას:

წარმოდგენილი განკარგულების პროექტი მოწონებული იქნა კომისიის წევრების მიერ.

სხდომის თავმჯდომარემ არჩილ მიქელაძემ კენჭისყრაზე დააყენა წინადადება განკარგულების პროექტის დამტკიცების შესახებ.

კენჭისყრის შედეგი:

მომხრე 12;
წინააღმდეგი 0;
(კენჭისყრას ესწრებოდა კომისიის 12 წევრი).

მიღებულია განკარგულება:

„აჭარის ავტონომიური რესპუბლიკის უმაღლესი საბჭოს არჩევნების შესახებ“ აჭარის ავტონომიური რესპუბლიკის კანონის 33-ე მუხლის პირველი პუნქტის „ლ“

ქვეპუნქტის და მე-80 მუხლის მე-5 პუნქტის შესაბამისად, უმაღლესი საარჩევნო კომისია ადგენს:

1. აჭარის ავტონომიური რესპუბლიკის უმაღლესი საბჭოს 2008 წლის 14 დეკემბრის ხელახალი მაჟორიტარული არჩევნებისათვის დამტკიცდეს შემდეგი საარჩევნო დოკუმენტაციის ფორმები თანდართული ნიმუშების მიხედვით:

ა) საოლქო საარჩევნო კომისიის კენჭისყრის შედეგების შემაჯამებელი (მაჟორიტარული) სადემონსტრაციო ოქმი (ფორმა №1-07.66.03);

ბ) საოლქო საარჩევნო კომისიის კენჭისყრის შედეგების შემაჯამებელი (მაჟორიტარული) ოქმი (ფორმა №1-07.67.03);

გ) საუბნო საარჩევნო კომისიის კენჭისყრის შედეგების შემაჯამებელი (მაჟორიტარული) სადემონსტრაციო ოქმი (ფორმა №1-07.68.03);

დ) საუბნო საარჩევნო კომისიის კენჭისყრის შედეგების შემაჯამებელი (მაჟორიტარული) ოქმი (ფორმა №1-07.69.03).

2. ეს განკარგულება შეიძლება გასაჩივრდეს ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30) მისი მიღებიდან 1 კალენდარული დღის ვადაში.

3. ეს განკარგულება ამოქმედდეს ხელმოწერისთანავე.

2. განკარგულება

ზოგიერთი საარჩევნო დოკუმენტაციის ფორმის დამტკიცების შესახებ;

მოისმინეს:

სხდომის თავმჯდომარემ კომისიის წევრებს წარუდგინა აჭარის ავტონომიური რესპუბლიკის უმაღლესი საბჭოს 2008 წლის 14 დეკემბრის ხელახალი მაჟორიტარული არჩევნებისათვის საუბნო საარჩევნო კომისიის კენჭისყრის დღის ჩანაწერთა წიგნისა და საარჩევნო ბიულეტენის ფორმის დამტკიცების შესახებ განკარგულების პროექტი. ასევე აღნიშნა, რომ არჩევნების ორგანიზებულად ჩატარების მიზნით მიზანშეწონილია უსკო-ს მიერ დამტკიცებული იქნას კენჭისყრის დღის ჩანაწერთა წიგნი, სადაც ასახულია ყველა ის საკითხი, რაც ესაჭიროებათ საუბნო საარჩევნო კომისიის წევრებს კენჭისყრის დღეს. ასევე კომისიას წარუდგინა ბიულეტენის ფორმა ისაუბრა წარმოდგენილი ფორმის შესახებ, მისი შევსების წესებსა

და პირობებზე და განიხილა ყველა ის საკითხი, რაც წარმოდგენილი იყო განკარგულების პროექტში.

აზრი გამოთქვას: წარმოდგენილი განკარგულების პროექტი მოწონებული იქნა კომისიის წევრების მიერ.

სხდომის თავმჯდომარემ არჩილ მიქელაძემ კენჭისყრაზე დააყენა წინადადება განკარგულების პროექტის დამტკიცების შესახებ.

კენჭისყრის შედეგი: მომხრე 12;
წინააღმდეგი 0;
(კენჭისყრას ესწრებოდა კომისიის 12 წევრი).

მიღებულია განკარგულება:

„აჭარის ავტონომიური რესპუბლიკის უმაღლესი საბჭოს არჩევნების შესახებ“ აჭარის ავტონომიური რესპუბლიკის კანონის 33-ე მუხლის პირველი პუნქტის „ლ“ ქვეპუნქტის და მე-80 მუხლის მე-5 პუნქტის შესაბამისად, უმაღლესი საარჩევნო კომისია ადგენს:

1. აჭარის ავტონომიური რესპუბლიკის უმაღლესი საბჭოს 2008 წლის 14 დეკემბრის ხელახალი მაჟორიტარული არჩევნებისათვის დამტკიცდეს შემდეგი საარჩევნო დოკუმენტაციის ფორმები თანდართული ნიმუშების მიხედვით:

ა) საარჩევნო ბიულეტენი (ფორმა №2-07.70.03) თანდართული ნიმუშის მიხედვით;

ბ) საუბნო საარჩევნო კომისიის კენჭისყრის დღის ჩანაწერთა წიგნის ფორმა დანართის შესაბამისად.

3. ეს განკარგულება შეიძლება გასაჩივრდეს ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30) მისი მიღებიდან 1 კალენდარული დღის ვადაში.

4. ეს განკარგულება ამოქმედდეს ხელმოწერისთანავე.

ინფორმაცია:

მოისმინეს: სხდომის თავმჯდომარემ აღნიშნა, რომ საქართველოს ორგანული კანონის „საქართველოს საარჩევნო კოდექსის“ თანახმად, ბიულეტენების ბეჭდვის პროცესზე დაკვირვების უფლება აქვთ უსკოს განკარგულებით დანიშნულ კომისიის ორ წევრსა და უსკოს მიერ რეგისტრირებულ

დამკვირვებელ ორგანიზაციებს, რომლებიც შეთანხმების საფუძველზე ბიულეტენების ბეჭდვის პროცესზე წარმოადგენენ არა უმეტეს სამ დამკვირვებელს. მან აღნიშნა, რომ 2008 წლის 14 დეკემბრის ხელახალი მაჟორიტარული არჩევნებისათვის საარჩევნო ბიულეტენების დაბეჭდვის პროცესზე დაკვირვების მიზნით უსკო-ს საზოგადოებასთან ურთიერთობის სამსახურის მიერ მომდევნო სხდომამდე მომხდარიყო უსკოს მიერ რეგისტრირებული დამკვირვებელი ორგანიზაციების ინფორმირება, თუ რომელ დამკვირვებელ ორგანიზაციას ექნებოდა სურვილი ბიულეტენის ბეჭდვის პროცესის დაკვირვებაზე.

სხდომაზე სხვა საკითხები არ განხილულა.

კომისიის თავმჯდომარემ არჩილ მიქელაძემ სხდომა დასურულად გამოაცხადა.

კომისიის თავმჯდომარე

ა. მიქელაძე

კომისიის მდივანი

ქ. ჯიქია